

國立故宮博物院珍藏

清代起居注冊

同治朝

第二十冊

同治四年歲次乙丑十一月初一日壬戌

上詣綏履殿

母后皇太后前請安平安室

聖母皇太后前請安內閣奉

諭旨劉長佑奏查明災歉各州縣請將本年應徵
錢糧分別蠲緩帶徵一摺直隸豐潤等州縣本
年秋禾被水被旱被雹收成歉薄若將應徵錢

糧照常徵收民力實有未逮加恩著照所請所有
豐潤縣成災五分之黑沿子等十二村莊應徵
本年錢糧著蠲免十分之一如有花戶長完之
項准其抵作下年正賦蠲贖錢糧分作二年帶
徵其本年各項旗租並積欠糧租暨各團頭承
領差地未完本節年銀兩同歉收之尖子沽等
四村莊應徵本節年糧租海防地租及出借倉

穀等項著一體緩至同治五年秋後啟徵並減
免差徭歉收四分之安州北邊吳村等六村莊
青縣半截河等十一村莊靜海縣陳家台等十
二村莊滄州閻家莊等八十七村莊南皮縣董
家莊等二十村莊鹽山縣韓扣鋪等二十四村
莊慶雲縣張巧家等八村莊永年縣李八寨等
九十八村莊雞澤縣趙家堡等九村莊元城縣

田曲六店等七十七村莊大名縣楊衛城等一百六十三村莊衡水縣張管鋪等四十八村莊深州前磨頭等二十一村莊應徵本節年糧租屯糧正耗米穀糧豆竈課並河淤海防地租暨出借倉穀等項著一體緩至同治五年麥後啟徵內歉收三分之安州板橋等二村青縣董京等十四村莊滄州顧官屯等十六村莊南皮縣

劉文家莊等三十九村莊永年縣茹佐等四十
七村莊雞澤縣郝莊等五十六村莊大名縣老
隄南等二十八村莊衡水縣蕭家村等十一村
莊深州周家村等九村莊並歛收三分之束鹿
縣傾井村等二村莊沙河縣鄭家莊等二十四
村莊肥鄉縣南劉村等三百三十一村莊廣平
縣北羅營等八十二村莊應徵節年糧租屯糧

米穀糧豆竈課並河淤海防地租暨出借倉穀
等項著一體緩至同治五年麥後啟徵其本年
新賦仍著照常徵收深州虎頭王家村等三十
村莊民欠節年糧租著緩至同治五年麥後啟
徵應徵本年新賦仍著照常徵解以上各州縣冬
春之際如有應行接濟之處著隨時察看情形
核實辦理該督卽刊刻謄黃徧行曉諭務使實

惠均霑母任吏胥舞弊以副軫念民依至意宛
平縣知縣余汝修勘災遲延著交部議處著
該督迅將該縣災數分數催令詳細分晰報
明奏請恩施餘著照所議辦理該部知道又
奉

諭旨劉長佑奏甄効知縣教佐各員請旨分別懲
辦一摺直隸撫甯縣知縣孫康壽高陽縣知縣

王愷懷來縣知縣翟文光於各本任地方俱不
甚相宜著即撤任留於該省遇有相當缺出另
行酌補永定河北岸同知唐郁身弱多病正定
府訓導劉硯田精力就衰均著勒令休致保定
府訓導崔顧行任性浮躁定州學正王煥酗酒
謾罵行止不端香河縣教諭范鳴珂人品卑污
干預公事唐山縣教諭顧學溍性情貪鄙不洽

士論霸州北六工州判金嘉琴不諳河務遇事張
皇宣化府經歷童鶴齡性情狡滑善於營私武
清縣河西務主簿袁振綱干預地方公事修防
亦不得力青縣杜林鎮巡檢史恩壽任性妄為
遇事^麤率曲周縣典史蕭榮藉端生事意圖索
詐均著即行革職以肅官方餘著照所議辦理
該部知道又奉

諭旨前據崇厚查明永年縣知縣謝恕有縱賊殃
民等情事奏請先行革職業經降旨允准茲據
劉長佑奏稱審明已革知縣謝恕於該縣練勇
掣獲形迹可疑之趙選等係因親族奉調出征
先後往探適值官兵擊賊獲勝拾得賊遺零物
攜帶回家並無不法情事經謝恕遞交原籍訊
辦亦非在縣釋放其於練董掣獲捏稱辦團之

趙名奎訊出私自招勇假冒頂帶即屬有罪之
人看押候訊亦屬正辦各等語此案已革花翎
知州銜直隸州升用前任直隸永年縣知縣謝
恕既據劉長佑查明實無縱賊殃民情事且平
日居官頗著勤能即著准其開復原官仍留直
隸補用惟該員於團練獲送趙選等遞籍查辦
並未申詳究屬不合仍著交部照例議處餘著

照所議辦理該部知道

是日

起居注官寶森景其濬

初二日癸亥

上詣綏履殿

母后皇太后前請安平安室

聖母皇太后前請安內閣奉

諭旨恩合奏遵保墾荒出力人員懇請獎勵等
語盛京錦州地方辦理荒地事務該委員等
在事三年不辭勞瘁業已著有成效自應量
予鼓勵所有單開之佐領依勒通阿著無論
何項班次遇有協領缺出儘先升用並免其
送部引見常貴著以協領記名遇缺補用候
補驍騎校春驛著無論何項班次驍騎校缺出

儘先補用德克精額著記名俟補缺後遇有防禦缺出無論何項班次儘先補用委官鳴珂等五員均著以驍騎校記名遇缺補用以上八員均著先換頂帶送部引見該部知道單併發又

奉

諭旨前因

定陵工程告成特降旨將承修大臣原任大學士彭

蘊章之子前任通政司叅議彭祖賢俟補缺後
遇有應升之缺開列在前茲據吏部奏據彭
祖賢呈稱該員前因承辦軍需出力業經得
有應升之缺開列在先獎敘可否將此次獎
敘移獎該員胞弟彭祖彝等語彭祖賢著加
恩以四品京堂候補所請移獎胞弟之處著毋庸
議又奉

諭旨前據工部題奏湖北新關稅務應令實缺道
府督辦以符定例當經降旨依議茲據官文奏
稱新關建於新隄與實缺道府所駐地方相離
甚遠該道府等不能躬親其事勢將假手胥役
弊竇叢生必須監司大員駐關督辦方足以資
彈壓請仍由候補道府中遴員經理等語所奏
係屬因地制宜即著照該督所請仍於該省候